

POD EMBARGOM DO 04:00 GMT, 1 NOVEMBAR 2010

BRZO IMPLEMENTIRANJE KONVENCIJE ZA ZABRANU KASSETNE MUNICIJE SPAŠAVA ŽIVOTE Prema danas objavljenom Izvještaju o kasetnoj municiji za 2010. godinu

BANGKOK, 1 Novembar 2010 – Uništavanje miliona uskladištene kasetne municije godinama prije vremenskih rokova naznačenih u Konvenciji za zabranu kasetne municije – pravo-obavezujućeg sporazuma koji zabranjuje oružje a koji je stupio na snagu 1. avgusta 2010. godine – pokazuje učinkovitost sporazuma u spašavanju života civila, naznačeno je u Izvještaju o kasetnoj municiji za 2010. godinu, objavljenom danas.

Sedam država koje su pristupile konvenciji su već završile sa procesom uništavanja uskladištene kasetne municije, uništavajući pritom više od 13,8 miliona „zvončića“ sadržanih u 176.000 kasetnih bombi, dok je barem 11 drugih zemalja trenutno u procesu uništavanja svojih zalih.

„Postoji jedan veliki impuls i snaga u procesu zabrane kasetne municije“, rekao je Steve Goose ispred Human Rights Watch, završnog urednika Izvještaja o kasetnoj municiji, dalje navodeći impresivan broj država koje su do sada potpisale Konvenciju za zabranu kasetne municije, kratak vremenski period u kojem je konvencija stupila na snagu kao i potrebu za što skorijim implementiranjem odredbi konvencije koje spašavaju živote. „Ohrabruje što možemo vidjeti veliki broj zemalja koje su iskazale svoju predanost u procesu iskorjenjivanja kasetne municije i njenog štetnog uticaja na civile sada i ubuduće“, rekao je Goose.

Konvencija obavezuje Države članice da odmah prestanu sa korištenjem, proizvodnjom i transferom kasetne municije, unište uskladištene količine najkasnije u periodu od 8 godina nakon pristupanja konvenciji, očiste kontaminirana područja u periodu od 10 godina, i pruže podršku žrtvama kasetne municije. Tekst Konvencije usvojen je u maju 2008. godine, ponuđen na potpisivanje u decembru iste godine i postao obavezujuće međunarodno-pravni dokument 1. avgusta 2010. godine.

Među 108 zemalja koje su do sada potpisale konvenciju se nalazi i 38 zemalja koje su nekada proizvodile, koristile, izvozile ili skladištile ovo oružje. Od ovog broja, njih 42 su do sada ratificirale konvenciju a njih 10 su već prilagodile domaće zakonodavstvo za provođenje konvencije.

Tokom proteklih 60 godina, kasetna municija korištena je u 39 zemalja i područja pod kontrolom barem 18 vlada. Otkako je konvencija ponuđena na potpisivanje u decembru 2008. godine, zabilježen je samo jedan ozbiljniji slučaj korištenja kasetne municije od strane Sjedinjenih američkih država na navodni kamp za obuku Al-Qaede u Jemenu u decembru 2009. godine. Vlada SAD-a još uvijek treba da potvrdi ili odbaci ove sumnje, dok niti Jemen niti SAD-e nisu pristupile ovoj konvenciji.

Barem 38km² površine Tajlanda, veličine otprilike kao Chiang Mai, očišćeno je od zaostale kasetne municije u 2009. godini, i tom prilikom uništeno je preko 55,156 neeksplozivnih komada municije. Države članice Albanija i Zambija objavile su završetak programa čišćenja zagađenih površina. Dalje čišćenje kontaminiranih područja spriječiće na hiljade potencijalnih povreda.

Pa ipak, prema riječima Stuart Casey-Maslen-a iz Norveške narodne pomoći, urednika Izvještaja o kasetnoj municiji, „Iako programi protuminskog djelovanja postoje u skoro svim zemljama i područjima pogođenim kasetnom municijom, njihov obim i produktivnost moraju biti povećani kako bi se očistila što veća površina i spasili ljudski životi.“

Kontaminiranost područja kasetnom municijom i dalje ostaje problem u najmanje 23 zemlje, uključujući tu i 14 zemalja koje su pristupile konvenciji, kao i tri područja čiji status još uvijek nije riješen. Najpogođenija područja su i dalje u jugoistočnoj Aziji i Evropi, dok zemlje i područja koja imaju najviše problema sa kasetnom municijom uključuju Lao PDR, Vijetnam, Irak, Kambodžu, Libanon, Srbiju, Nagorno-Karabah i zapadnu Saharu.

Editorial Board

MINES ACTION CANADA • Lead agency • jackie@minesactioncanada.org • www.minesactioncanada.org
ACTION ON ARMED VIOLENCE • Ban policy • info@aoav.org.uk • www.aoav.org.uk
HANDICAP INTERNATIONAL • Casualties and victim assistance • policy.unit@handicap.be • www.handicap.be
HUMAN RIGHTS WATCH • Ban policy • landmine@hrw.org • www.hrw.org
NORWEGIAN PEOPLE'S AID • Mine action • stuart@icbl.org • www.npaid.org

U toku 2009. godine, prijavljeno je 100 novih žrtava kasetne municije u devet zemalja i jednom području. Polovina od ovog broja žrtava prijavljeno je u samo dvije države, Lao PDR i Libanonu. Obje ove zemlje su pristupile Konvenciji za zabranu kasetne municije.

S krajem 2009. godine, prijavljeno je 16.816 žrtava kasetne municije u barem 27 zemalja i tri područja, uključujući 15 zemalja koje su pristupile konvenciji. Usljed ozbiljnog nedostatka izvještaja, stvarni broj žrtava kasetne municije može biti skoro i do 85.000 osoba širom svijeta. Prema riječima Kathleen Maes iz Handicap International-a, urednika Izvještaja o kasetnoj municiji za područja žrtava i pomoći preživjelim od kasetne municije, „Postoji potreba za trenutnom i učinkovitom pomoći za žrtve kasetne municije. Konvencija nudi osnovne odredbe za pomoć preživjelim od kasetne municije i ako države u potpunosti ispune svoje obaveze stvorit će se preduslovi za značajno poboljšanje života preživjelih, njihovih porodica i zajednica u kojim žive.“

27 zemalja sa najvećim brojem žrtava od kasetne municije pružaju preživjelim određeni nivo njege, ali većini žrtava i dalje nedostaje sveobuhvatna podrška, posebice kada je riječ o ekonomskom uključivanju i psihosocijalnoj podršci. Pristupačnost u ruralnim područjima je posebno onemogućena.

U toku 2009. godine, izdvojena su finansijska sredstva u ukupnom iznosu od 13.2 miliona US\$ za rješavanje problema kasetne municije u sedam zemalja širom svijeta, uključujući i 4.15 miliona US\$ obezbijedenih kroz programe Specijalnog Fonda za kasetnu municiju za Lao PDR.

Ovogodišnji *Izvještaj o kasetnoj municiji*, prvi je izvještaj osim sestrinske publikacije Izvještaja Landmine Monitor, koji pokriva politiku za zabranu kasetne municije, korištenje, proizvodnju, trgovinu i skladištenje za svaku zemlju u svijetu, te takođe uključuje informacije o kontaminiranosti površina sa kasetnom municijom, žrtvama, procesom čišćenja površina i pomoći preživjelim od kasetne municije. Izvještaj pokriva period od maja 2009. godine i informacijama prikupljenim zaključno sa avgustom 2010. godine.

Izvještaj o kasetnoj municiji za 2010. godinu objavljuje se netom prije održavanja Prvog Sastanka Država članica Konvencije za zabranu kasetne municije, koji će se održati u Vijentijanu, Lao PDR, od 9. – 12. novembra 2010. godine.

Izrada Izvještaja o minama i kasetnoj municiji koordinirana je od strane Odbora urednika sastavljenog od pet organizacija: Mines Action Canada, Akcije protiv oružanog nasilja, Handicap International, Human Rights Watch i Norveške narodne pomoći i predstavlja održiv i sistematski način za nevladine organizacije da nadgledaju i izvještavaju o implementiranju humanitarnih i sporazuma za zabranu naoružanja.

Landmine Monitor osnovan je u junu 1998. godine od strane Međunarodne Kampanje za zabranu mina, dobitnika Nobelove nagrade za mir. Tokom 2008. godine, Landmine Monitor takođe je funkcionalno pratio istraživanje i nadgledanje rada Koalicije za zabranu kasetne municije. U toku 2010. godine, na osnovu zajedničke inicijative izvršena je promjena u Izvještaj o stanju mina i kasetne municije (jednostavno nazvan „Izvještaj“) kako bi se na dekvatan način odgovorilo na povećane zahtjeve za izvještavanjem o pitanju kasetne municije.

Izvještaj o kasetnoj municiji za 2010. godinu i ostali prateći dokumenti dostupni su od 04:00 GMT na dan 1. novembar 2010. godine na internet stranici www.the-monitor.org/cmm/2010.

Za više informacija ili zakazivanje intervjua, molimo kontaktirajte:

- Conor Fortune, CMC Oficir za medije i komunikacije, Bangkok (GMT+6), Mob: +44-75-1557-5174 ili +66-88-091-9372, email conor@stopclustermunitions.org
- Jacqueline Hansen, Programski menadžer za Izvještaj o minama i kasetnoj municiji, Bangkok (GMT+6), Mob: +1-613-851-5436 ili +66-88-091-9373, email jackie@icbl.org

Editorial Board